

正定府志卷之三十三

人物

武功

從來非常之功必待非常之人當夫海宇救寧人民
安堵一二循分守職之士從容理之而有餘迨至師
旅頻仍烽煙迭告大而宗社之震驚小而黎民之播
越皆於師乎是賴聽鼓鼙而思將帥任綦重已太史
公嘗稱燕趙多豪俠間考前志所載燕昭命樂毅率
師徇齊城之不下者未五載下七十餘城厥功豈不
偉哉成安君不聽李左車之謀而國破身滅淮陰師

事之用其策而燕齊諸城皆下將在謀不在勇其彰明較著者已晉魏以來若劉琨之撫循士卒甚得物情李先之值宿禁中熟嫻兵法亦有足多者焉他如以少擊衆則有若高懷德出入神速則有若曹瑋鈴閣清暇賦詩浮白舉座忘其爲武人則有若許國璧所謂燕趙多豪俠者歷數之而知其信然

國家承平日久聲教遠訖雕題鑿齒之邦罔不獻琛納贄願入版圖兵氣久銷日月光中矣顧太平之世安不忘危無事則雅歌投壺有事則褰旗斬將著鴻名於麟閣紀偉烈於燕山芳徽未邈今古同揆志其人

不沒其績亦見奮武與揆文並重云爾

周

樂毅中山靈壽人其先祖樂羊爲魏文侯將取中山遂封靈壽子孫因家焉毅好兵趙人舉之及武靈王有沙邱之亂乃去趙適魏聞燕昭王屈身下士於是爲魏使於燕昭王厚遇之以爲亞卿問伐齊之事毅對曰齊霸國之餘業也地大人衆未易獨攻王必欲伐之莫如與趙及楚魏於是使約趙惠文王別使連楚魏令趙啗秦以伐齊之利毅還報燕昭王悉起兵拜毅爲將軍并趙楚魏燕之兵以伐齊破之濟西諸

侯兵罷歸而毅獨攻入臨淄取齊寶財物祭器輸之
燕昭王封毅於昌國復以兵平齊城之不下者毅留
狗齊五歲下齊七十餘城皆爲郡縣以屬燕唯莒卽
墨未服有讒者昭王斬之立毅爲齊王毅以死自矢
不受拜書由是齊人服其義諸侯畏其信莫敢有謀
者昭王死惠王立毅被讒歸趙趙封毅於觀津號望
諸君惠王恐趙用毅而乘燕之弊以伐燕使讓毅且
謝之毅報遺燕惠王書於是燕王復以毅子間爲昌
國君毅復通燕燕趙以爲客卿毅卒於趙

樂 問毅之子也燕惠王拜爲昌國君居燕三十餘年

燕王喜用其相栗腹之計欲攻趙而問樂間間曰趙四戰之國其民習兵不可伐王曰吾以五而伐一對曰不可燕王大怒卒起兵攻趙趙使廉頗擊之大破栗腹之軍於鄡禽栗腹樂乘於是樂間奔趙

漢

李左車南行唐人仕趙王歇封廣武君漢遣韓信張耳擊趙成安君聚兵井陘口左車說成安君曰臣聞千里餽糧士有饑色樵蘇後爨師不宿飽今井陘之道車不得方軌騎不得成列行數百里糧食必在其後願假臣奇兵三萬人從間路絕其輜重足下深溝高

壘堅營勿與戰彼前不得鬪退不得還吾奇兵絕其
後使野無所掠不至十日而兩將之頭可致於麾下
否必爲二子所擒矣成安君不聽於是韓信引兵遂
下井陘大破趙軍斬成安君擒王歇信乃令軍中毋
殺廣武君有能生得者購千金旣縛致信乃解其縛
師事之間北攻燕東伐齊計對曰爲將軍計莫如按
甲休兵鎮撫趙民百里之內牛酒日至以饗士大夫
北守燕路而後遣辯士奉咫尺之書暴其所長於燕
燕必不敢不從燕已從而東臨齊齊必從風而服雖
有智者亦不知爲齊計矣如是則天下事皆可圖也

兵固有先聲而後實者此之謂也信從其策於是燕齊諸城皆下

柴

武常山關縣人高祖封前將軍與項羽決勝垓下淮陰侯將三十萬自當之孔將軍居左費將軍居右皇帝在後絳侯柴將軍在皇帝後元年率將二千五百人起薛別救東阿至灞上二年擊齊歷下軍以功封棘蒲侯十一年將軍斬韓王信於參合文帝三年濟北王興居反詔以棘蒲侯柴武爲大將軍將十萬衆往擊之擄濟北王興居自殺今善衆寺建在高阜上世傳柴武所築故臺

趙雲字子龍常山正定人本屬公孫瓚瓚遣漢昭烈爲田楷拒袁紹雲遂隨從爲昭烈主騎及昭烈爲曹操所追於當陽長阪棄妻子南走雲抱幼主保護甘夫人皆得免難遷爲牙門將軍昭烈入蜀雲留荊州昭烈自葭萌還攻劉璋召諸葛亮率雲張飛等俱沂江西上平定郡縣至江州分遣雲從外水上江陽與亮會於成都成都旣定以雲爲翊軍將軍建興六年亮出軍揚聲由斜谷道曹真遣大衆當之亮令雲與鄧芝往拒而身攻祁山雲芝兵弱敵強失利於箕谷然歛衆固守不至大敗軍退貶爲鎮軍將軍卒諡順

平侯

晉

劉琨字越石中山魏昌人年二十六爲司隸從事趙王倫執政及齊王冏輔政以有世望特宥之惠帝幸長安時豫州刺史劉喬攻范陽王虓虓敗琨與虓俱奔河北琨父母遂爲劉喬所執琨乃說冀州刺史溫羨讓位於虓及虓領冀州遣琨詣幽州乞師於王浚得突騎八百人與虓濟河共破東平王楙於廩丘南走劉喬始得其父母又斬石超降呂郎因統諸軍奉迎大駕於長安以勲封廣武侯永嘉元年爲并州刺

史琨上表言州民困乏流移四散鬻賣妻子死亡委
厄請此州穀五百萬斛絹五百萬疋綿五百萬斤速
見聽處朝廷許之時東嬴公騰自晉陽鎮鄴并土饑
荒百姓隨騰南下餘戶不滿二萬寇賊從橫道路斷
塞琨募得千餘人轉鬪至晉陽府寺焚毀僵尸蔽地
其有存者饑羸無復人色琨剪除荆棘收葬枯骸造
府朝建市獄寇盜互來掩襲恒以城門爲戰場百姓
負甔以耕屬鞭而耨琨撫循勞來甚得物情劉淵時
在離石相去三百許里琨密遣離間其部雜虜降者
萬餘落在官未耨流人稍復鷄犬之音復相接矣

門烏丸復反琨率精兵禦之聰遣子燦及令狐泥乘
虛襲晉陽太守高喬以郡降聰琨父母並遇害琨引
猗盧並力攻燦大敗之死者十五六琨乘勝追之不
能克猗盧以爲聰未可滅遣琨牛羊車馬而去琨志
在復讐而屈於力弱泣血尸立撫慰傷痍移居陽邑
城以招集亡散愍帝卽位拜琨爲司空都督并冀幽
三州諸軍事琨上表讓司空受都督尅期與猗盧討
劉聰尋猗盧父子相圖盧及兄子根皆病死部落四
散琨子遵先質於盧衆皆附之及是遵與箕澹等帥
盧衆三萬人馬牛羊十萬悉歸琨琨由是復振會王

敦密使匹磾殺琨匹磾矯詔收之琨聞敦使至謂其
子曰處仲使來而不我告是殺我也死生有命但恨
讐耻不雪無以下見二親耳因歔歔不能自勝匹磾
遂縊之三年後贈侍中太尉謚曰愍琨少負志氣有
縱橫之才與范陽祖逖爲友聞逖被用與親故書曰
吾枕戈待旦志梟逆虜常恐祖生先著鞭其意氣相
期如此在晉陽嘗被賊騎圍數重城中窘迫無計琨
乘月登樓清嘯賊聞之皆淒然中夜吹胡笳賊又流
涕歔歔有懷土之思向曉復吹之賊並棄圍而走

劉 輿字慶孫琨弟儁朗有才局與琨並京都語曰洛

中奕奕慶孫越石辟宰府尚書郎兄弟素侮孫秀及
趙王倫輔政孫秀執權並免其官妹適倫世子萑萑
與秀不協復以興爲散騎侍郎齊王問輔政以興爲
中書侍郎東海王越范陽王虓舉兵以興爲潁川太
守及河間王顥檄劉喬討虓於許昌矯詔曰潁川太
守劉興迫脅范陽王虓距逆詔命多樹私黨擅劫郡
縣合聚兵衆小人不忌爲惡日滋今道大將軍張方
爲大都督率步騎十萬同會許昌以除興兄弟敢有
舉兵距違王命誅及五族虓敢與興之俱奔河北虓
旣鎮鄴以興爲征虜將軍魏郡太守東海王越召之

興旣見越應機辨盡越傾膝酬接卽以爲左長史越旣總錄以興爲上佐賓客滿筵文案盈凡遠近書記日有敷千終日不倦或以夜繼之皆人人權暢莫不悅附命議如流酬對欸備將人服其能興乃說越遣琨鎮并州爲越北而之重洛陽未敗病損疽卒時年四十七贈驃騎將軍封定襄侯諡曰貞

南北朝魏

王仲興趙郡欒城人父天德仕至殿中尚書仲興以父任早給事左右出入禁內十餘年轉冗從僕射猶參密近爲齊帥從駕征新野有功除折衝將軍屯騎校

尉又命率千餘騎破賊於鄧城除振威將軍越騎校尉賜帛千匹世宗卽位轉左中郎將仍齊帥及帝親政與趙修並見寵任遷光祿大夫領武衛將軍仲興雖與修並而畏慎自退不若修之倨傲無禮咸陽王禧之出奔也當時上下震駭世宗於乾脯山追仲興馳入金墉城安慰後與領軍于勁其參機要遂封上黨郡開國公食邑二千戶自拜武衛及受封之日車駕每臨饗其它世宗遊幸仲興常侍從不離左右外事得徑以聞百寮亦聳體而承望焉兄可久以仲興故自散爵爲徐州征寇府長史帶彭城太守可久在

徐州恃仲興寵勢輕侮司馬梁郡太守今長壽遂至
忿爭乃令僮僕邀毆長壽遂折其脅州以表聞仲興
是後漸疎不得徑入左右世宗乃下詔奪其封邑出
除平北將軍并州刺史

李先字容仁常山井陘人少好學善相術燕慕容永
迎爲謀主永滅徙中山居井陘秦苻堅皇如元年魏
道武襲中山先自井陘歸之及車駕還代累遷博士
勸道武收書籍從之及討姚興從先計有功魏太宗
朝元帝拓拔嗣卽位問左右近臣誰爲先帝所親信
新息公王洛兒以李對俄召先讀韓非子連珠論及